

CANDO AS A BÈNNERE

Cando as a bènnere
 a sa gianna de su coro meu,
 tocca diligamente
 e aisetta, prima de intrare,
 in modu chi mi pota preparare
 a t'accuglire dignamente
 comente istranza aisettada.

Cando as a bènnere
 e m'as aer abbrazzadu,
 leami a manutenta e giughemi,
 pro camineras de lughe,
 a su giardinu de s'amore
 ue no esistin
 isperanza e disisperascione.

Cando at a esser arrivada,
 a bois chi restades bos lasso
 sas giaes de sa domo mia,
 s'iscrignu ue sun custoidos
 sos ammentos pius bellos,
 s'accunortu e sa ressignazione.

Cando at a esser arrivada!

QUANDO VERRAI

*Quando verrai / alla porta del mio cuore / bussa delicatamente / e attendi,
 prima di entrare, / affinché possa prepararmi / ad accoglierti degnamente /
 come ospite aspettata.*

*Quando verrai / e mi avrai abbracciato, / prendimi per mano e portami, / per
 sentieri di luce, / verso il giardino dell'amore / dove non esistono / speranza
 e disperazione.*

*Quando sarà arrivata / a voi che restate vi lascio / le chiavi della mia casa, /
 lo scrigno ove sono custoditi / i ricordi più belli, / il conforto e la rassegnazione.*

Quando sarà arrivata!